

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 37. stav (1) i članom 46. stav (1) Zakona o izvršavanju Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj:1/22 i 14/22), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 173 sjednici, održanoj dana 22.09.2022. godine, d o n o s i

ZAKLJUČAK

o usvajanju Programa utroška sredstava Budžeta Zeničko-dobojskog kantona za podsticanje jesenje sjetve za 2022. godinu, u razdjelu 23, budžetska organizacija 01, potrošačka jedinica 0001, Budžeta Zeničko-dobojskog kantona za 2022. godinu, ekonomski kod 614400, NAD 402, pozicija „Subvencije za podsticaj razvoja u poljoprivrednoj proizvodnji“

I.

Usvaja se Program utroška sredstava Budžeta za podsticanje jesenje sjetve za 2022. godinu, u razdjelu 23, budžetska organizacija 01, potrošačka jedinica 0001, Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22 i 14/22), ekonomski kod 614400, NAD 402, pozicija „Subvencije za podsticaj razvoja u poljoprivrednoj proizvodnji“, u iznosu od 243.000,00 KM (slovima: dvijestotinečetrestetri hiljade konvertibilnih maraka), koji čini sastavni dio ovog zaključka.

II.

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona za 2022. godinu u predhodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

III.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

PREMIJER

Mirnes Bašić

Broj: 02-_____/22
Datum, 22.09.2022. godine
Z e n i c a

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x a/a.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZA POLJOPRIVREDU,
ŠUMARSTVO I VODOPRIVREDU

PROGRAM
utroška sredstava Budžeta Zeničko-dobojskog kantona
za podsticanje jesenje sjetve za 2022. godinu

Zenica, septembar 2022. godine

PROGRAM
utroška sredstava Budžeta Zeničko-dobojskog kantona
za podsticanje jesenje sjetve za 2022. godinu

Opći podaci o Programu

1. Program je usvojen: Na 173. sjednici Vlade Zeničko-dobojskog kantona održanoj dana 22.09.2022. godine.
2. Period realizacije Programa: Jesen 2022. godina
3. Ukupna vrijednost Programa: 243.000,00 KM
4. Namjena Programa: Podrška poljoprivrednim proizvođačima u organizaciji intezivnije jesenje sjetve koja će doprijeti održivosti i povećanje poljoprivredne proizvodnje.
5. Korisnici Programa: Poljoprivredni proizvođači – obrti i pravni subjekti
6. Izvor sredstava: Budžet Zeničko-dobojskog kantona za 2022. godinu - Budžet Ministarstva za poljoprivredu, šumarstvo i vodoprivredu - „Subvencije za podsticaj razvoja u poljoprivrednoj proizvodnji“, razdjel 23, budžetska organizacija 01, potrošačka jedinica 0001, ekonomski kod 614400, NAD 402 i Zakon o izvršavanju Budžeta Zeničko- dobojskog kantona za 2022. godinu ("Službene novine Zeničko-dobojskog kantona", broj: 1/22) i 14/22).
7. Nosilac Programa: Ministarstvo za poljoprivredu, šumarstvo i vodoprivredu Zeničko-dobojskog kantona.
8. Odgovorna osoba: Mirsad Hadžić, ministar

I- UVOD

Izmjenama i dopunama Budžeta Zeničko-dobojskog kantona za 2022. godinu ("Službene novine Zeničko-dobojskog kantona", broj: 14/22), na razdjelu 23, budžetska organizacija 01, potrošačka jedinica 0001, ekonomski kod 614400 NAD 402, pozicija „Subvencije za podsticaj razvoja u poljoprivrednoj proizvodnji“, uvećana su sredstva za poticanje razvoja poljoprivrede sa prethodno planiranih 3.500.000,00 KM na 4.650.000,00 KM.

Imajući u vidu tešku ekonomsku situaciju ovo Ministarstvo je poduzelo aktivnosti kao vid interventne mjere pomoći za poljoprivredne proizvođače sa područja Zeničko-dobojskog kantona i opredjelilo sredstva za potrebe realizacije podsticanja jesenje sjetve u 2022. godini.

Ministarstvo za poljoprivredu, šumarstvo i vodoprivredu Zeničko-dobojskog kantona osiguralo je sredstva u Budžetu Kantona kojim će poljoprivrednim proizvođačima osigurati podršku za jesenju sjetvu sa budžetske pozicije, "Subvencije za podsticaj razvoja u poljoprivrednoj proizvodnji", ekonomski kod 614 400 subanalitika NAD 402 sa iznosom od 243.000,00 KM za predmetnu namjenu.

U izradi Programa za 2022. godinu korišteni su sljedeći parametri:

- Proizvodne resursne mogućnosti Zeničko-dobojskog kantona,
- Mjere Strategije razvoja Zeničko-dobojskog kantona za period 2021.-2027.godina,
- Kontinuitet poticajnih mjera,
- Analize realizacije podrški u proteklom periodu,
- Preporuka stručnih naučnih institucija iz sektora,
- Sinhronizacija sa federalnim podrškama.

II - CILJEVI I SVRHA PROGRAMA

1. CILJEVI PROGRAMA

Cilj ovog Programa je podsticanje jesenje sjetve u 2022. godini. Pravo na podršku imaju sve registrovane farme goveda na teritoriji Zeničko-dobojskog kantona koje imaju registrovani obrti za uzgoj goveda, kao i pravna lica registrovana za tu vrstu djelatnosti.

Programom će se podsticati aktivnosti zasijavanja žita ili krmnog bilja (minimalno 2 ha) kod poljoprivrednih proizvođača koji posjeduju registrovanu farmu goveda za uzgoj minimalno 8 muznih grla.

Ovim Programom realizovat će se prioritetna mjera novčane podrške po modelu poticaja proizvodnji koje trebaju doprinijeti ispunjavanju sljedećih ciljeva:

- a. Uvezivanje primarnih poljoprivrednih proizvođača sa prerađivačima/otkupljivačima u Zeničko-dobojskom kantonu.
- b. Povećanje otkupa poljoprivrednih proizvoda sa područja Zeničko-dobojskog kantona.
- c. Očuvanje stočnog fonda.
- d. Povećanje obima korištenja poljoprivrednog zemljišta s ciljem povećanja obima poljoprivredne proizvodnje i obezbjeđenje dovoljni količina povrća, krmnog bilja i žitarica za vlastito gazdinstvo i za tržište.
- e. Povećan nivo korištenja ukupno raspoloživih resursa za poljoprivrednu proizvodnju.
- f. Osiguranje stabilnog poljoprivrednog dohotka i omogućavanje adekvatnog životnog standarda poljoprivrednih proizvođača.

2. SVRHA PROGRAMA

Svrha ovog Programa je dodatno podsticati poljoprivrednu proizvodnju, djelomično olakšati ekonomsku situaciju poljoprivrednim proizvođačima, pomoći održivost i daljnji razvoj poljoprivredne proizvodnje kroz jesenju sjetvu a sve u okviru raspoloživog budžeta.

Mjere podrške u poljoprivredi iz Budžeta Zeničko-dobojskog kantona za 2022. godinu usmjerene su na podsticanje jesenje sjetve poljoprivrednim proizvođačima koji su realizovali kantonalnu podršku za registrovane farme muznih grla u 2022. godini.

III-KRITERIJI ZA RASPODJELU SREDSTAVA

Odobrena finansijska sredstva iz Budžeta Zeničko-dobojskog kantona za 2022. godinu pod stavkom „Subvencije za podsticaj razvoja u poljoprivrednoj proizvodnji“ opredjelit će se obrtima i pravnim licima prema općim kriterijima.

Pravo na ostvarivanje podrške stiču:

- korisnici koji su ostvarili primarnu poljoprivrednu proizvodnju ili koji poljoprivrednu djelatnost obavljaju na teritoriji Zeničko-dobojskog kantona, ako to ovim Programom ili Uputstvom nije drugačije propisano,
- korisnici upisani u registar gazdinstava/klijenata kao nosioci,
- korisnici koji pored općih kriterija ispunjavaju i posebno propisane kriterije predviđene Uputstvom o poticanju jesenje sjetve za 2022. godini (u daljem tekstu Uputstvo), koje donosi ministar Ministarstva za poljoprivredu, šumarstvo i vodoprivredu Zeničko-dobojskog kantona,

Tabela 1. Raspodjela sredstava podsticanja jesenje sjetva za 2022.godinu

| | Naziv podrške | Procjena iznosa potrebnih sredstava u (KM) |
|----------------|--|--|
| 1. | Podsticanje jesenje sjetve poljoprivrednim proizvođačima koji su realizovali i ostvarili kantonalnu podršku za registrovane farme muznih grla u 2022. godini | 243.000,00 |
| UKUPNO: | | 243.000,00 |

IV- NAČIN OSTVARIVANJA PODRŠKI

Podrške ostvaruju korisnici koji ispunjavaju opće i posebne uslove propisane ovim Programom i Uputstvom, kojim će se utvrditi postupak, potrebna dokumentacija i drugi relevantni podaci.

V-IZVORI SREDSTAVA

Izvor sredstava za realizaciju Programa je Budžet Zeničko-dobojskog kantona za 2022. godinu ("Službene novine Zeničko-dobojskog kantona", broj: 1/22 i 14/22), u kojem je na stavci "Subvencije za podsticaj razvoja u poljoprivrednoj proizvodnji" u razdjelu 23. budžetska organizacija 01, potrošačka jedinica 0001, ekonomski kod 614400, NAD 402 utvrđen iznos od 4.650.000,00 KM, od kojih će se dio u iznosu od 243.000,00 KM utrošiti za realizaciju ovog Programa.

Utvrđeni iznos realizovaće se u skladu sa prilikom sredstava u Budžetu, a na bazi mjesečnih operativnih planova.

VI- KORISNICI SREDSTAVA

Korisnici sredstava su obrti i pravna lica koja ispunjavaju propisane opće i posebne kriterije iz ovog Programa i Uputstva.

Broj: 02- _____ /22
Datum, 22.09.2022. godine
Z e n i c a

PREMIJER

Mirnes Bašić

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x a/a.